

Preporuke za rad i održavanje sjednica parlamentarnih skupština u kontekstu COVID-19

U cilju zaštite zdravlja osoba koje prisustvuju sjednicama, neophodno je primjenjivati mjere sprječavanja širenja COVID-19 kao i u svim drugim aktivnostima. Ove mjere podrazumjevaju sljedeće:

- Svim uposlenicima pružiti informacije i edukaciju vezano za COVID-19 (materijali se mogu pronaći na stranici Zavoda za javno zdravstvo FBiH, www.zzjzfbih.ba). Edukacija treba uključivati sljedeće:
 - Simptomi COVID-19
 - Higijena ruku, respiratorna higijena, izbjegavati dodirivanje lica
 - Standardne mjere higijene i zaštite zdravlja
 - Mjere zaštite karakteristične za COVID-19
 - Mjere zaštite karakteristične za djelatnost
- Kako u radu skupština sudjeluje veći broj osoba, kako zastupnika tako i pomoćnog osoblja, u radu je neophodno temeljito sprovoditi mjere za sprječavanje širenja COVID-19.
- Osigurati da se ne stvaraju gužve na ulazima i izlazima, preporučuje se da postoje odvojeni ulazi i izlazi. Postaviti jasna uputstva o ograničenjima i mjerama na vidljiva mjesta.
- Insistirati na čestom pranju ruku i dezinfekciji ruku. Na ulazima i na više mjesta u zavisnosti od površine prostora postaviti sredstvo za dezinfekciju sa uputstvom za korištenje. Obezbjediti da u svim toaletima ima sapuna i papirnatih ubrusa. Vjerovatno će potrošnja biti veća nego inače tako da treba češće kontrolisati da li ima dovoljno sredstava za higijenu.
- Sjednice treba održavati u prostorijama/salama koje svojom površinom omogućavanju da se tokom rada održava adekvatna fizička distanca između osoba (1,5-2 m). Udaljenost osoba od govornice treba biti veća, preporučuje se najmanje 4m.
- Kako bi se osigurala adekvatna fizička udaljenost između osoba za vrijeme sjednice, preporučuje se da se koristi svako drugo ili treće mjesto za sjedenje u zavisnosti od kapaciteta sale.
- U zatvorenom prostoru sve osobe moraju nositi zaštitne maske preko usta i nosa, a u skladu sa naredbama nadležnih organa.
- Insistirati na provođenju pojačanih mjera higijene i sanitacije. Redovno čistiti prostorije sa standardnim deterdžentom a potom dezinficirati, najmanje dva puta dnevno. Predmete kao što su šteke, prekidači za svjetlo, rukohvati, ograde, tastature i sl. što češće dezinficirati u toku dana.

- Prostorije se moraju adekvatno prozračiti prije sjednice i nakon održavanja iste, a po mogućnosti i obezbjediti kontinuirano provjetravanje prostorija prirodnim ili vještačkim putem.
- Neophodno je obezbjediti tehničku i higijensku ispravnost pogona za mehaničku ventilaciju/klimatizaciju i grijanje.
- Mikrofone treba dezinficirati prije početka sjednice i nakon održavanja iste, a mikrofone za govornicom dezinficirati što češće, najbolje poslije svakog govornika.
- Horizontalne površine dezinficirati što češće, a prije sjednice obavezno. Horizontalne površine koje koristi više osoba (npr. govornice) dezinficirati više puta u toku sjednice a najbolje poslije svakog govornika.

Prostori u kojima se služi hrana i piće

Važe sve preporuke kao i za ostale ugostiteljske objekte.

Dosadašnje relevantne preporuke ZZJZFBiH

<https://www.zzjzfbih.ba/wp-content/uploads/2020/02/Pitanja-i-odgovori-COVID-19.pdf>

<https://www.zzjzfbih.ba/wp-content/uploads/2020/03/Preporuke-za-sve-poslovne-subjekte.docx>

<https://www.zzjzfbih.ba/wp-content/uploads/2020/04/%C4%8CI%C5%A0%C4%86ENJE-I-DEZINFEKCIJA-POVR%C5%A0INA-I-PREDMETA-U-RADNOM-PROSTORU.docx>